



Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 23/09/2025

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir den Interieur weiderzeleeden.

D'Gewerkschaft FGFC huet op hirem Protestpiquet vum 19te September op Mëssstänn beim TICE opmierksam wollte maachen. Et goufe vill Virwërf géint d'Personalmanagement vum TICE an d'Ambiance beim Gemengesyndikat schéngt fir vill Employéeeën un engem Déifpunkt ugelaangt ze sinn.

D'FGFC informéiert, dass Decisioune géint Employéeeë geholl goufen, déi géint Gesetzer géife verstoussen. An deem Kontext hat d'FGFC och den Inneministère eng 7 Bréiwer geschriwwen, wouvunner awer bis haut nach keen Eenzege beäntwert gouf.

An deem Zesummenhang wéilt ech dem Minister dës Froe stellen:

1. Wäert den Inneminister op d'Bréiwer vun der FGFC äntweren?
2. Den Inneminister hat an der Äntwert op meng Fro n°2543 geschriwwen:
"Ech erënneren drun, dass d'Gestioun vum Personal eng exklusiv Kompetenz vum Bureau vum Gemengesyndikat ass a senger eegener Responsabilitéit ënnerläit."

Wéi ee Roll spillt den Inneministère, als Autorité de Tutelle vun de Gemengen, bei der Kontroll vun den Aktivitéite vu Gemengesyndikater an Decisioune vu Gemengen, déi d'Gemengesyndikater betreffen?



3. Wäert den Inneminister dofir suergen, dass d'Delegéiert vun den onofhängeg gewielte Personaldelegatiounen d'Rechter vun hirem Mandat kënnen ausüben?

Mat déiwem Respekt,



GOERGEN Marc
Deputéierten



Antwort vom Här Inneminister, Léon Gloden, op d'parlamentaresch Fro N° 2921 vum 23. September 2025 vum honorabelen Deputéierten Marc Goergen zum Sujet "Rôle du Ministère des Affaires intérieures dans la gestion des syndicats communaux".

1. Wäert den Inneminister op d'Bréiwer vun der FGFC äntweren?

Den honorabelen Députéierten Goergen verweist op Bréiwer an deenen d'Personaldelegatioun vum TICE sech iwver präsuméiert Feelverhale vum Bureau beschwéiert.

Den Artikel 32 vun dem ëmgeännerte Règlement grand-ducal vum 10. August 1991 iwver d'Designatioun, d'Kompositioun an d'Fonctionnement vun de Personaldelegatioune vun de Gemengebeamte gesäit vir, dass de Bureau vun engem Gemengesyndikat an d'Personaldelegatioun, an engem Sträitfall, d'Missioun hunn fir ze probéieren eng Kompromëssléisung ze fannen, déi esouwuel dem Interesse vum Personal ewéi och dem Gemengesyndikat entsprécht.

D'Parteien kënnen den Inneminister réischt saiséieren, wann sie no zwou Stellungnamen kee Konsens font hun.

Bei kengem vun den uewegenannte Bréiwer ass dës Prozedur respektéiert ginn sou, dass se net als valabel Stellungnamen kënnen considéiert gin an domat irrecevable sin. D'FGFC huet dat matgedeelt kritt.

2. Den Inneminister hat an der Antwort op meng Fro n°2543 geschriwwen:

"Ech erënneren drun, dass d'Gestioun vum Personal eng exklusiv Kompetenz vum Bureau vum Gemengesyndikat ass a senger eegener Responsabilitéit ënnerläit."

Wéi ee Roll spillt den Inneministère, als Autorité de Tutelle vun de Gemengen, bei der Kontroll vun den Aktivitéite vu Gemengesyndikater an Decisioune vu Gemengen, déi d'Gemengesyndikater betreffen?

D'Akte vun den Organer vun engem Gemengesyndikat ënnerleien dem selwechte Kontrollmechanismus wéi deen, deen d'Gemengegesetz a sengen Artikelen 103 bis 107 bis fir d'Akte vu Schaffen a Gemengeréit virgesäit.

3. Wäert den Inneminister dofir suergen, dass d'Delegéiert vun den onofhängeg gewielte Personaldelegatioune d'Rechter vun hirem Mandat kënnen ausüben?

Den Inneminister huet keng Kenntnis vu Fäll, wou Membere vun enger Personaldelegatioun hier Rechter am Kader vun hirem Mandat net kounten oder kënnen ausüben.

Lëtzebuerg, den 2. Oktober 2025

Den Inneminister,
(s.) Léon Gloden